

Toqqusaarluut mononucleosi (mononucleosis infectiosa) - Angajoqqaanut paasisutissiissut

Mononucleosimik toqqusaarluttoqalersimava? Angajoqqaatut nappaatip tuniluussinnaaneranut pinaveersaartitseqataasinnaavutit. Ilitsersuut atuaruk meeqqallu Mononucleosimik toqqusaarlussorigukku sulisut tamatuminnga ilisimatikkitt.

Toqqusaarluut mononucleosi (mononucleosis infectiosa)

Toqqusaarlunneq tappiorannartumik virus-imik patsiseqartoq toqqusaani unermi imeqqutammilu qinersinik suanngartitsisinnaasoq.

Tunillatsinneq

Nappaat qanimut toqqaannartumik attaveqatigiinnikkut qiseq aqutigalugu soorlu kuninnikkut tunillaattarpoq. Nalinginnaasumik inooqataanikkut nappaatip tuniluussinnaanera annikitsuararsuuvoq. Amerlanerit meeraatillutilli ersiuteqartinnagu nappaatigilereersarpaat. Nappaammut ersiutit inuusuttuni takusaaanerpupput. Inersimasut 95 %-iisa nappaat atoreersimasarpaat taamaasillutillu inuunerup sinnerani akiuussutissarsiffigisarlugu. Tunillaasinnaaffik: Napparsimalernermiit ilaanni ukioq ataaseq pallillugu tappiorannartoq virus qisermissinnaasarpoq.

Nappaammut ersiutit

Nappaat nuallunnermut ersiutinut assingusunik qasoqqanermik, illigisaqannginnermik niaqorlunermillu ersiuteqarluni aallartittarpoq. Tamatuma kingorna toqqusaarlutaalersarpoq iisiniarnermut ajornakusoortitsisumik toqqusaat neqitaat pullangaatsialerlutik qalipperlutillu. Anernikilliutaasinnaavoq timimi qinersit pingaartumik toqqusaaniittut suanngarsinnaapput ippinnarsillutillu. Sap. ak. marluk angullugit kissarneqaataasinnaasarpoq. Ilaatigut tinguk sunniivigineqarsinnaasarpoq massallu suanngarluni. Aniorninittoqarsinnaavorlu. Meeqqani mikisuni nappaat ersiuteqanngikkuni annikitsuinnarmik ersiuteqarsinnaasarpoq.

Nakorsartinneq

Nappaat nakorsarneqarsinnaanngilaq.

Taama nappaateqartoqartillugu maleruagassat

Annertuumik qasoqqassutaasarnera pissutigalugu sivisujaamik qasuersaartoqartariaqarsinnaavoq. Nappaat atuutsillugu timip sakkortuumik atornissaa pinaveersarneqassaaq.

Meeqquerivimmukaqqinnissaq

Meeqqap nalinginnaasumik peqqissusaa apeqqutaatillugu meeqquerivimmut utertinneqarsinnaavoq.